

Әбдіқалық К.С.

**Ғұмар Қараш жырындағы
ұлт тағдыры**

Abdikalyk K.S.

**The fortune of nation in the
poem of Gumar Karash**

Абдиқалық К.С.

**Судьба народа
в стихотворениях
Гумар Карапша**

Бұл мақалада Ғұмар Қараштың бүгінгі күнге дейін беймәлім болып келген «Залалды торғайлар» өлеңінің астарлы сырты ашылған. Өлеңде-гі ақынның тұспалдағ берген ойлары көп жайттың сыртын үғынуга ша-қырады. Жұмбақтап берілген торғайлар, жас егін, тұрымтай, қырғи, торғайды қорғаушылар мен әділ қазы, т.б. бейнелер арқылы ақын өз заманының тарихи сыртынан хабардар еткені осы мақалада алғаш айқындағып отыр.

Түйін сөздер: Алашорда үкіметі, Ұақытша үкімет, Ақпан төңке-рісі, партиялар, жинақтары, ұлт, қоныс, орыс отаршылдығы, заман, Алаш партиясы.

The article was revealed undertone of the poem of Gumar Karash «Zalaldy torgailar», unknown audience of wide lap. Only because of the undertone of writer's works is acquired the true content. The present time artistic heritage of Gumar Karash, in particular, his poem «Zalaldy torgailar» continues to search and discover new verges of meaning of his works. This part of creativity is well-known to poet remains poorly understood in present time, and that led to the necessity of studying this problem.

Key words: government Alash-Orda, the Provisional Government, the February Revolution, the parties, collections, nation, place, century, religion, Alash party.

В статье анализируется стихотворение Гумара Карапша «Залалды торғайлар», неизвестное широкому кругу читателей. Автор статьи справедливо утверждает, что в творчестве Гумара Карапша многое скрыто – это характерная черта его поэтики. В настоящее время творческое наследие Гумара Карапша, в частности, его стихотворение «Залалды торғайлар» продолжают исследовать и выявлять новые смысловые грани его произведений. Лишь немногие говорили о подтексте и способах его проявления в стихах поэта. Эта область творчества известного поэта остается малоизученной на сегодняшний день, что и обусловило необходимость исследования данной проблемы.

Ключевые слова: правительство Алаш-Орды, Временное прави-тельство, Февральская революция, партия, нация, век, религия, пар-тия «Алаш».

ҒҰМАР ҚАРАШ ЖЫРЫНДАҒЫ ҰЛТ ТАҒДЫРЫ

Ақындығымен қатар азаматтық тұлғасын, саяси-әлеуметтік көзқарасын таныттын Ғұмар Қараштың ұлттық рухтағы өлең кітабы 1918 жылы Үпі (Уфа) қаласында жарық көрген «Тұрымтай» болатын. Ғұмар шығармаларының ішінде көбірек сынға үшырағаны да осы «Тұрымтай» жинағы. Мәселен, сол уақыттағы ҚК (б) Орталық Комитеттің хатшысы Ж.Шаяхметовтың 1947 жылы «Социалистік Қазақстан» газетінде жарияланған «Идеология майданындағы қызметкерлердің айбынды міндеттері» деген мақаласында «Ұлы Октябрь революциясынан кейін Қарашев Совет өкіметіне қарсы шықты. «Зиянды торғайлар» деген өлеңінде большевиктерді жаңа піскен егіннің, яғни февраль революциясының жеңісін жалмап жатқан торғайлар деп бейнеледі, бұл торғайларды қыруға автор өзінің «Тұрымтайын жұмысады» [1] деген пікірлер айтылып, уақыттың ығымен осылай бағаланған еді. Жалпы, ақынның «Тұрымтайы» ұлт тағдырына маңыз беріп жырлауымен құнды. Алаш зиялдыларының саяси ұстанымына сай ақынның да сол уақыттағы өзгерістерге, яғни, Қазан төңкерісінің кейір бағытын ұнатпағаны жасырын емес. Бұл тараптағы айқын көзқарасы «Тұрымтай» жинағындағы біршама өлеңдерінің астарынан сезіліп те жатады. Солардың ішінен Ғұмар Қараштың «Залалды торғайлар» шығармасын сөз етейік.

Бұл өлеңінің астарлы сырды бүгінгі күнге дейін беймәлім болып келді. Өлеңінің соңғы үшінші бөлігінде ақынның өзі «Бұл арасын оқушым, Ойла-дағы өзің шеш» деп оқырманға өзің түсініп, шешіп ал дегендегі ой тастайды. Ақынның осы шығармасы туралы бірсыныра пікір айтылғанмен, ортақ тұжырым жоқ, яғни, әр түрлі болжам айттылған. Ф.Қараштың «Залалды торғайлары» алғаш С.Мұқановтың «ХХ ғасырдағы қазақ әдебиеті» деген еңбегінде арнайы сөз етіледі. Онда «Бұндағы жас егін, сөз жоқ, февраль төңкерісі».

Ол кездегі байлар партияларының айтуынша, февральды (жас егінді) өсірмейтін жұмыскерлер мен еңбекші қара шаруандарының жасағалы отырған пролетариат төңкерісі. Шыны солай. Өйткені, пролетариат февральмен қанағаттанған жоқ. Февральдың ертеңінен-ақ, байлар партиясынан жігін мұлдем ашып, Октябрь төңкерісін жасайтынын ашық көрсетті. Осы сияқты, Февраль төңкерісіне қатер туғызып отырған торғайларды (жұ-

мыскерлер мен еңбекші қара шаруаны) жоғалтуға байлар өзінің «тұрымтай», «қыргиларын» әзірледі...» [2,163] деген пікір берілген. Осы пікірді дамыта түсken зерттеуші М.Тәж-Мұрат өз енбегінде өзінің мынадай болжамдарын ұсынады: «Осы пікірді кенеу тұтуға да болар еді. Бірақ өлеңді одан әрі оқығанда ақын басқа өріске шығады.

Елдің соры кім екен,
Егін жеген торғай ма;
Жә болмаса торғайды,
Қорғаушы да сондай ма...
Бір күніме керек деп,
Торғайлар да көмек деп.
Дүниенің жүзінде,
Көздегенім жемек деп.
Сол мұрадын қорғай ма?!

(«Тұрымтай», 4-б.).

Ақын айтып отырған торғайды қорғаушылар кімдер? «Тұрымтайды» бұрын-соңды сөз етушілер осы сұрапты орағытып өтіп келеді. Біздіңше, бұл жерде екі түрлі болжам жасауға болады. Біріншісі, «Жас егін» – торғайлар – сол бостандықты жөргегінде тұншықтыруға асықкан большевиктер, оларды қорғаушылар – «өмірден байды, өрістен малды құртса кедей керуен жүріп кетеңі» деген қыздырманың қызыл сөзін малданып жүрген елдегі шолақ белсенділер.

Екінші болжамның табан тірерін жері – «Бір күніме керек деп, // Торғайлар да көмек деп, – дейтін қос тармақтағы ой. Алашорда үкіметінің Уақытша үкімет жөніндегі саясаты еске түседі. Автономия жариялау мәселесінде Уақытша үкіметтің шешімін күту керек пе, күтпеу керек пе деген өреде алашордашылар пікірі екіге бөлінгені, Ғұмардың соңғы топта болғаны белгілі. Олай дейтін болсақ, ақыргы үш жол большевиктермен де ат құйрығын үзбей, анысын андау саясатын білдіреді.

Бірақ бұл кесімді пікір емес. Дұrbеленді сапырылыста әлі белгілі бір тоқтамға келіп болмаған жанның толқымалы қөңіл-қүйін аңғартады өлең» [3,312]. Ал «Қазақ әдебиетінің тарихы» кітабында «Ғұмар торғайды елді талаушы әкімдер бейнесінде алады» [4,56] делінген.

Сонымен, «Залалды торғайлар» өлеңінің мәнісіне үнілсек, расында да ақынның тұспалдан берген ойлары көп жайтын сырын ұғынуға шақырады. Мұндағы жұмбактап берілген торғайлар, жас егін, тұрымтай, қырғи, торғайды қорғаушылар мен әділ қазы арқылы нені айтқысы келді? Ғұмар Қараш өлеңі былай басталады:

Көбейді түрлі торғай осы күні,
Шүқиды жас егінді күні, түні [5,119].

Ақынның «осы күні» деп отырғаны, сөз жок, 1917-1918 жылдардың аралығындағы уақытты мензеп отырғаны белгілі. Ал осы кезеңде «көбейген түрлі торғайы» әр түрлі саяси ұйымдар болса керек. Тарихи деректерге сүйенсек, 1917 жылы Ақпан төңкерісінен кейін патша әкіметі құлаған соң, Мемлекеттік думаның Уақытша комитеті мен Санкт-Петербург кеңесі атқару комитетінің келісімі нәтижесінде Бұқілресейлік құрылтай жиналышы (Учредительное собрание) өткізілетін мәлім болып, осы құрылтайға тек саяси партиялардың өкілдерінен сайланған дегенеттар қатысадындықтан қазақ оқығандары шұғыл түрде саяси партия құруды қолға алған екен. Сонда осы жылдары қазақ жерінде құрылған әр түрлі саяси партиялар мен ағымдарды (қозғалыстарды) ақын «түрлі торғайға», «жас егінді» 1917 жылдың шілдесінде құрылған «Алаш» партиясына балап отырған тәрізді. Олай дейтін себебіміз, сол уақытта «Алаш» партиясын «күні, түні шұқытындар» оның қарсылас партиялары еді. Яғни, Бұқілресейлік құрылтай жиналышына депутат ұсыну мәселесінде саяси ұйымдардың арасында талас-тартыстың қүшейгенін, «Алаш» партиясының қазақ жеріндегі басты бәсекелестері большевиктер мен эсерлер партиясымен қоса, «Үш жүз» партиясының болғанын тарихтан білеміз. Әсіреле, «Үш жүз» партиясының мүшелері өз газетінің бетінде ұсынған бағдарламаларымен қоса, «Алаш» партиясын жамандап көптеген мақалалар жариялаған екен. Бұл жөнінде Сәкен Сейфуллиннің «Тар жол, тайғақ кешу» романында «Қызылжар қаласында «Үш жүз» деген газет шыға бастады. Газеттің бетін «Алаштың» көсемдерін сөгүмен толтыра берді. Эрине, «Алаш» партиясының көсемдері де «Үш жүз» басындағыларды сөгүден кенде қалған жоқ...» деген мәлімет берілсе, «Алаш» қозғалысы» (2008) деген кітапта «Үш жүз» партиясы іргесін «Алаштан» аулак салып, большевиктер мен солшыл эсерлерге жақындей түсті. Қазан төңкерісі жеңіске жеткен соң, «Алаш» партиясына қарсылық куреске шықты, оның оппоненті болды» дедінген. Демек, ақын «жас егінді күні, түні шұқытын торғайлар» бейнесін осылайша емеурінмен түсіндіріп берген сыңайлы.

Алашорда үкіметіне үлкен үмітпен қараган ақын дүшпандарына сес көрсеткісі келеді. «Серпіліп бір саябыр болмас па екен, Сырылдан Тұрымтайдың шықса үні» деп қана қоймай,

Бір неме жасамаса қояр емес,
Бәрінің жас бидайға түсіп жыны.
Жалғасып Тұрымтайға Қырғи шығып,
Құргылар бітер ме еді қалмай дымы,—

деген ақынның, тіпті, соларды дым қалдырмай «қанаттарын жұлар ма еді» деп тістенгенін көреміз. Өйткені, олар құрыса «Жалбырап бақтың гүлі аман өсіп, жетісіп толар еді», – дейді ақын. Ал мұндағы «Тұрымтай» мен «Қырғи» деп отырғаны Ғұмардың өз шығармалары еді. Олай деуіміздің бірінші себебі, ақын сенім артқан партиясына Алаш азаматтарының мұддесі жырланатын өлеңдері басылған «Тұрымтай» жинағы арқылы өз үлесін қосқысы келгені байқалады. «Залалды торғайлар» өлеңінен басталып, «Тұс» өлеңінен аяқталатын Ғұмар Қараштың осы жинағында «Неден қорқам?», «Саған не болды?», «Көреміз бе?», «өтер ме екен?», «Келер ме екен?» деген сияқты сұрақтарға негізделген өлеңдерінің өзі осы уақыттың тарихи шындығын танып-блуде маңызы зор. Мәселен, «Саған не болды?» деген өлеңінде ақын: «Дүние толы өсек-аяқ, жер солды, Елемесен, елім, байқап он-солды...» деп бекер айтпаған болар.

Екіншіден, «Залалды торғайлар» өлеңіндегі «Тартсақ та тоғыз екі торғай құны» деуінің мәнісі ойымызды нақтылай түседі. Яғни, «тоғыз» тартуы ақынның белгісіз «Қырғи» жинағын қосқандагы тоғыз туындысы /«Ойға келген пікірлерім». (Орынбор, 1910), «өрнек» (Уфа, 1911), «Бедел нахы» (Қазан, 1913) дейтін үш зерттеу кітабы, «Қарлығаш» (Қазан, 1911), «Бала тұлпар» (Уфа, 1911), «Тумыш» (Уфа, 1911), «Аға тұлпар» (Орынбор, 1914), «Тұрымтай» (Уфа, 1918) деп аталатын бес поэзиялық жинағы/ екени анық. Ал «Қырғи» жинағы туралы мәлімет «Қазақ әдебиетінің тарихы» кітабында «Ғұмардың 1918 жылы Уфа қаласынан шыққан «Тұрымтай» жинағының соңғы бетінде: «Қырғи» атты F.Қарашевтің жаңа жыр кітабы, топырақтан тыс болсақ, осы жазда басылып тарайды... – деген жарнама берілген. Бірак «Қырғи» жарық көрген жоқ. «Қырғи» Уфадағы «Шарқ» баспасының архивінде қалды ма, әлде ақынның өз қағаздарымен бірге жойылды ма? – ол жағы белгісіз» [4,54] делінген. Сондай-ақ, әрі қарай өлең жолдарында тұрымтай мен қыргиды тырнақшаға алғы жазуының өзі олардың тоғыз жинағының бірі екенин айқындағы түседі. Ал «екі торғай құны» дегені ұлт мәселесін көтеруде тоғыз туындысының күші екі партияның идеологиясынан да кем еместігін білдіртсе керек.

Сонымен ақын «Йіліп басы толып піссе бидай, Жан сая табар еді көріп мұны» деу арқылы

«Алаш» идеясының жүзеге асуын армандаған еді. Мұнысын «Алаш» партиясының мұраты арқау етілген «Көреміз бе?» деген өлеңінде «Алаш» атты орда құрып шалқығанын, Бақ-дәuletі туып-өсіп балқығанын, әрбір істе қазақ ісі аңқығанын, Тірлікте көзімізben көреміз бе?» деп-ақ ашық айтқан болатын.

Әрі қарай «Тұрымтайын» жіберіп, Торғай нетті демесін» деп жеке «торғайдың» мәселесін сөз еткенде өздері «жайға жүрсе», «Кудалаймыз немесін?!» дегенінде айтарты бар. Яғни «Үш жүз» партиясының басшысы Көлбай Төгісовтің «Алаш» партиясын таратуға бар күшін салып баққанда бұл партия мүшелерінің де қарап қалмай, жедел хат арқылы ескерту жасағанын тарихи деректер арқылы білеміз. Сондай-ақ, Ғұмардың «Тұсіндірсін торғайды, Егіндерді жемесін» деген талап-тілегі «Үш жүз» партиясының артында осыларға қамқор болған ірі саяси үйимның тұрганын ангартады. Және де карсыластары «жайға қарап жүрмесе...», «Тұрымтайдың» сонынан «Қыргидың» да шығатының еске салады. Сөйтіп, ақын «Тұрымтайымен» оларды үркіткісі келеді. Өйткені, бұл жинақта Ғұмардың ұлт үшін жанын қиоға дайын Алаш азаматтарының қадірін білуге шақырған өлеңдерімен қатар, «Тұс» өлеңіндегі «Үш мың» ба екен мұның аты...» деген сияқты «Үш жүз» газетін тұспалдан сынға алған шығармасы да бар еді. Бұл тарапта С.Мұқанов атальмыш еңбегінде «Бұл айтып отырғаны «Үш жүз» атты партияның газеті. «Үш жүздің» жүзін Омар әдейі білмегендіп «мың ба еді?» деп сұрап отыр. «Үш жүз» Алашордага қарсы партия болды» деп дөп басып айтқан еді.

Өлеңнің екінші болігіне келсек, ақын енді «Елдің соры кім екен...» деп негізгі айтпақ ойын өрбітуге көshedі. «Егін жеген торғай ма?», әлде оны «Корғаушы да сондай ма?» деген сауалы арқылы шындықтың жүзіне тұра қарауға шақырады. Мұндагы «корғаушы» кім? Омыбы каласында шығатын «Революционная мысль» газетінің 1917 жылғы қараша айындағы номірлерінде «Үш жүз» партиясы, оның төрағасы, «Үш жүз» газеті туралы және осы партияны қолдаушылардың хаттарын жариялағандығын ескерсек, «торғайды» корғаушының большевиктер партиясы екендігі айтпаса да түсінікті.

Ақын «Ашық айттып арасын, Ағы менен қарасын, Пайда, залал шамасын, Көрсетуге болмай ма?» деп «корғаушыға» деген ренішін де жасырмайды. Ал большевиктер партиясы үшін «Алаш» пен «Үш жүздің» арасындағы алауызық өте пайдалы, таптырмайтын олжа. Мұны ақын да сезеді. «Бір күніме керек деп, Торғайлар да көмек деп. Дүниенің жүзінде Көздегенім же-

мек деп. Сол мұратпен қорғай ма?!» дей отырып, дүниежүзі пролетариаттарын бірігүе шақырган партияның қөздеген мақсатын да айқындаپ береді. «Торғайларға бас болып, Тойғанына мас болып» деуі арқылы большевиктер партиясының қос үкіметтің тұсында да, Қазан төңкерісінен кейінде де салмағы басымырақ болып, «торғайларға» бас болғанын хабардар етсе, ері қарай «Ел мұратын ескермей, Игі жолға қас болып, Өз пайдасын қамдай ма?» деп оларға сенімсіздік танытып, сын құрығына алады. «Игі жол» деп отырғаны «Алаш» партиясының бағдарламасы екені тағы да аян. Сөйтіп, Ғұмар Қараш:

Бұлай болса олар да,
Әділ қазы алдында,

Торғайлармен жанаса,
Орын алып қонбай ма? –

деп ашу-ызасын төгеді. Мұндағы «Әділ қазы алдында» дегені Бүкілресейлік құрылтай жиналышын меңзегені еді. Ал өлеңнің үшінші бөлігінде ақын ойын қысқаша қорытып, шешімін өзі шығарады. Яғни, ақынға салса, екеуін де қосақтап көзін жойғысы келеді. Сонда ғана «елдің көзі ашылып», онар еді деген түйінге келеді.

Сонымен, Ғ.Қараш мұрасының бүгінгі окушысы, яғни біздер бұл өлеңнің жұмбағын осылай түсініп, дұрыс шешуге тырыстық. Келешекте іздеу салынып, ақынның «Тұрымтайдан» күштірек «Қырги» жинағы табылса екен деген де тілегіміз зор.

Әдебиеттер

- 1 Шаяхметов Ж. Идеология майданындағы қызметкерлердің айбынды міндеттері//Социалистік Қазақстан. – 1947.– 14 февраль.
2 Мұқанұлы С. С. XX ғасырдағы қазақ әдебиеті. 1 бөлім. 1932. – Алматы: Атамұра, 2008.
3 Тәж-Мұрат М. Ғұмар Қараш.– Ақтөбе: А. Полиграфия ЖШС, 2004.
4 Қазақ әдебиетінің тарихы. 6-том. – Алматы, 2005.
5 Қараш Ғ. Замана. – Алматы: Фылым, 1994.– 240 б.

References

- 1 Shayxmetov J. Ideology maidanyndagy kyzmetkerlerdin aibyndy mindetteri//Sosialistik Kazakstan.–1947.– 14 fevral.
- 2 Mykanyly S. XX gasyrdagy kazak adebieti. 1 bolim. 1932; Almaty: Atamyra, 2008.
- 3 Taj-Murat M. Gumar Karash.– Aktobe: A.Poligrafiy, 2004.
- 4 Kazak adebietinin tarixy. 6-t. Almaty6 2005.
- 5 Karash G. Zamana. Almaty: Gylym, 1994.– 240 б.